



Page: 6

Reach: 0

Country: BOSNIA AND HERZEGOVINA

Size: 284 cm2

1 / 1

Članovi Zajedničke komisije za odbranu i sigurnost Parlamenta BiH o SIPA-i

Data podrška radu Agencije za istrage i zaštitu

Borba protiv terorizma kao globalnog fenomena današnjice i finansiranje terorističkih aktivnosti prioritet su u radu Agencije za istrage i zaštitu (SIPA), kao i borba protiv svih vidova organiziranog kriminala, rečeno je tokom posjete članova Zajedničke komisije za odbranu i sigurnost Parlamentarne skupštine BiH SIPA-i, javlja Anadolu Agency (AA).

Sa direktorom SIPA-e Pericom Stanićem, zamjenikom direktora Đurom Kneževićem i pomoćnikom direktora Jasminom Gogićem razgovarali su predsjedavajući Zajedničke komisije za odbranu i sigurnost PS BiH Sifet Podžić, prvi

zamjenik Borislav Bojić, druga zamjenica Borjana Krišto, te članovi Zajedničke komisije Šemsudin Mehmedović, Hanika Vajzović, Hazim Rančić i Mario Karamatić.

Na sastanku je razgovarano o svim aspektima rada SIPA-e, postignutim rezultatima u radu, zakonskim rješenjima, kadrovskoj popunjenosti i materijalno-tehničkoj opremljenosti.

Direktor SIPA-e ukratko je prezentirao relevantne pokazatelje iz izvještaja o radu SIPA-e za 2015. godinu i programske ciljeve za tekuću godinu. Naglasio je da će SIPA nastaviti intenzivno raditi provodeći mjere i radnje iz svoje



Specijalci dobili podršku parlamentaraca

nadležnosti, s ciljem stvaranja sigurnijeg ambijenta za život svih građana BiH.

On je istakao da je SIPA kadrovski i materijalno-tehnički opremljena da može odgovoriti na najsloženije sigurnosne izazove današnjice.

Međutim, istakao je problem odlaska jednog dijela rukovođućeg kadra iz SIPA-e zbog ispunjavanja uslova za starosnu penziju, zbog čega u skorije vrijeme planira popunjavanje upražnjenih pozicija, kako bi SIPA bila u punom kapacitetu.

Članovi Zajedničke komisije za odbranu i sigurnost BiH iskazali su punu podršku radu SIPA-e i ostvarenju njenih ciljeva u narednom periodu.